

永安縣志

序文 目錄 凡例 圖考
御製詩文 凡二卷



671.25
H65



叙



漢以來紀世者每有數十家州志則自
前明牧伯任若始我

朝康熙初鄒君繼之又八十年所改附
郡邑、尹程君乃勅纂邑志是稽訪
纂備矣顧嘗致泰邑與它邑異而邑
志又與志世異夫志邑者必先詳其沿革
而後名蹟典故風土人物可數也它

卷之六

卷首

叙

邑沿革易明耳若則自成周盛時巡守朝
覲東諸侯皆有湯沐之邑左氏之邑曰
築是固有城也疆界矣澤郡國志載太
山郡屬縣二十四治奉高治之云若其即
今之附郭者乎考奉高乃今臨博二邑
置以奉岱宗之祀其時邑制大不過數十
里故設官則萬戶以上為令城萬戶為長
也北魏改治博平曰博縣而隋唐所稱為

博城者唐高宗改為札封於是梁父嬴岱
諸邑悉省入矣宋世符後稱奉符而歸或
為府或為軍或為州皆以奉符為治自明
省於入州又割泗水界益之廣袤倍他
邑境兩人距歸為州夫嬴博是於春秋為
齊魯所爭而省志謂博嬴博二物非周故
地則今嬴城博城未知其為周與博歟亦鉅
平梁父崇武館邱汝陽就鄉準以形勢皆有

城基可指豈梁魯在一邑哉又廣以泗水徂
陽則東平陽華費諸郡之當在編籍中矣
國朝既升為直隸州旋改府設縣以復郡治
而仍舊城上下數千年往取地志水經以為
左驗不亦難乎說者曰界蓋經時無更山川
終古不易邑者或有改可為依據然即以改
論而支派終無往冊以承之已孤背不合矣
且紀岱者出其理器因論標欵勝梁已耳

若稽其詳司民社者有所型式鄉里者有所
勸誡不重歎以爲謂得是編以佐遊覽則紀
載諸書皆可廢矣是猶涉之乎爲志也梓
成因叙所以修之由時

大清乾隆四十七年歲次壬寅仲冬月長至前
五日知泰安縣事星沙雨垣黃鈞撰



泰安州志序

明萬曆三十一年

昔周官大司徒掌天下土地之圖其要主於知九州地域廣輪之數與辨五地之物然不始於周官也神禹之於山於海率有經焉自漢而下則有風土人物之志先賢耆舊之傳摭拾一方蓋以範風俗存典刑不止於侈山川之盛土物之饒已也世旣欽其典則而復便其簡要於是乎郡縣之志日盛月新幾充棟矣若吾魯之秦岱其神則七十二君之所有事其形勝則參雲造天南觀越西望秦

泰安縣志

卷首

舊序

不假目謀其遺蹟則秦松漢栢金牀玉几薄海內外所外注以故子墨客卿之徒標奇采異有泰山志有岱史而復有蒐王之集乃州志顧獨闕焉如是者於覽盛紀遊得矣非所以載政蹟備故實彰注訓來納民於軌物者也余每欲稽之載籍詢之老成以竟斯志束於職事未遑綜輯邇者州守任侯辱蒞茲土政成民和鳴琴多暇慨然嘆曰夫是曩爾一隅奠於嶽麓古所稱時邁肆觀之地且一方文獻是信是徵闕而不書誰執其咎爰始考述

勒爲一志事竣謀敘於余余惟志成而有感於創始之難也是非糾繆則起而議其偏人品混淆則起而非其識記載乖訛則起而病其陋夫非人心之刻於創也始於一人而欲以厭衆心成於一時而令千百世之下考其事傳而衷其義例其事豈易易哉矧吾州以岱嶽故奔走四方冠蓋車書輻輳靡間志一出而寓內人士爭願得寓目焉其雖黃月旦寧可勝道非與夫遐陬僻邑之書不盡傳於世者等也且又有進於是者今之時事寔非昔

矣藉令長民者而無李固之恩信韓詔之賑恤何以稱循良爲茲志重生茲土者而清操不如羊續勵志不如胡母輔之亦何以繩先達昭後嗣爲州乘光乎然則侯之創爲斯志也寧詎脩故事資覽觀而已夫亦以示勸懲之義與紹述之恩範俗維風將於是在侯其大有造於此邦者哉抑漢人稱天下之安若泰山而國家以秦安名州不爲無意維是赫赫巨靈實長羣嶽秦岱安則四嶽之神舉安五嶽奠安斯海內無弗安者顧名思義所爲協

和州人以綏四國者且當自吾州始而斯志之作
又豈區區文獻所繫爾也余故爲言夫如此若夫
雄奇峻絕之觀瓌瑋鉅麗之彩海內業侈言之要
足使山靈生色而未足爲民社增重魯邦所啓或
者更有在焉後之君子尙考鏡於是編可也賜進
士第光祿大夫柱國少保兼太子太保刑部尙書
前總督宣大山西軍務兼理糧餉太子太保兵部
尙書兼都察院左副都御史郡人蕭大亨識

又序

秦安縣志

卷首

舊序

三

志者古史之遺也周禮小史外史掌邦國四方之
志至於列國亦各有史最爾彈丸不乏圖籍秦罷
侯置守史無專職秉筆紀載實在掌故亦惟守土
者加意攬捭尊信而有徵故足術耳我郡名山形
勝甲於天下畫地置郡延袤數百里豈不當古之
侯國而文獻無徵方冊不傳良足惜已往郡侯蒞
事茲土者不知闔幾何人其明知而無暇者什九
明知而故諉者什一蓋簿書鞅掌手不停披目不
及瞬冠蓋輪蹄之塵望之如織倚侯爲東道主其

民力私耗而州公賦歲常不及額什之二三往往
殫竭伎倆不足辨此局暇分其神於探龜也而自
談者輒曰岱有史業爲成書無庸更置喙我且遷
延官成計時待擢視郡如蓬廬耳奚做精編纂之
爲以故自古及今作者寥寥壽昔跼伏衡茅登高
懷古攷汶陽之墟覽明堂之址弔孫石之蹤訪六
逸之蹟緬惟千古感慨係之竊欲考核故實勒成
一家獨恨千秋不朽同志者稀且以掣肘公車之
業此亦無暇爾居無何今賢侯上黨任公塞帷入

郡百廢俱興輕徭賦情桂獻以培元氣也食不再
簋衣必三泮循行不盛騶從以風樸也義倉設而
儲於不涸塾師置而戶成可封以富而教之也三
年有成化行俗美迺於公務之暇博訪古蹟旁訊
宿儒疆域山川風土名物搜羅數百載之前而類
析條分成若干卷千秋事蹟蔚乎在目居然古史
之遺矣今而後慈軾結駟而遊者入其境披圖籍
鏡千古曰美哉郁郁乎文獻之區也剖符結綬而
至者入其境按故實覈典章曰猗歟著作之林前

世而上百世而下升沉宦海不知幾更乃景燦不
泯准我侯與此書俱永矣不佞分屬受塵忻際盛
舉因載筆記其事且以詔來禩云翰林院庶吉士
郡人宋壽傳

纂修姓氏

編置泰安州知州任宏烈 校閱同知崔瑞州判
官許茂祺吏目胡允孝 編次訓導段廷選孫于

藩徐湖 同編嶧縣教諭郡人張經濟恩貢呂應

泰安縣志

卷首

舊序

五

周庠生陳大有李偉張毓秀安烜

泰安州志序

國朝康熙九年

州邑之有志亦古今之史林也昔人以爲域中有

三大權曰天曰君曰史州邑之史上考星躔下詳

輿地中列戶口賦役名宦鄉賢節義文章仙釋物

產彬彬乎犁耜指掌豈非文獻足徵采風者所必

錄哉顧通都大邑志之易詳僻壤窮鄉志之或略

則地所限也蓋作志不異作史自左後之史首龍

門次扶風蔚宗猶堪寓目承祚以下無譏焉作者

不其然乎今海內名山首推五嶽五嶽尤以秦嶽
爲尊稱曰岱宗古謂封禪者七十二家金函玉策
之文秦皇漢武之所登祀唐明宋真之所勒銘琦
歟輝赫洵州以岱勝岱爲州雄矣諺曰安若泰山
此州以秦安名歟而志不足以備舉何也且我

大清興已二十有六載聲教覃敷文物業與前殊人材
亦復加盛皆當編次考今志爲故明神宗朝州守
任君宏烈之所著杭學幸縮符此邦邇歲治民事
神庶務粗舉簿書鞅掌之餘亦嘗陪名公鉅卿攬

秦安縣志

卷首

舊序

六

勝搜奇陟天門登日觀眺青牛於秦谷辨白馬於
吳閭所纂輯瑞集哀今昔之英華發山林之光寵
而於州志乃有所未逮實亦自慙非良史之才又
懼見聞不博復會有遷擢之

命將去齊魯佐閩漳益以不果會逢粵令尹鄒公鶯遷
茲土公以翊運名世其胷藏二酉筆撼五丁駕龍
門而軼扶風區區良史又何足以爲云也聞公有
事於此夫以岱牧言岱事聞必廣而見必真煌煌
一代罕與則公之志成豈特記一州之事亦當代

之興要哉從此

聖天子日新盛德富有大業天休畢至萬國來庭將有事於泰山公執是以往可也是爲序泰安州知州今陞福建漳州府同知金陵林杭學撰

又序

今天下永清大定化行俗美史不勝書

聖天子行將簡班馬直東觀作大一統志以詔萬世何區區郡邑爲也雖然天下者郡邑之積也郡邑之風化無聞則朝廷之盛美不彰粵稽成周列國各

泰安縣志

卷首

舊序

七

有紀載秦罷侯置守今之郡邑志卽古之列國史也尼父刪詩而十五國風載雅頌之先魯之春秋亦因事屬詞厥後代有裨官皆以徵實傳信免爽世文獻不足之嘆是以自有泰安以來若岱史若輯瑞集若蒐玉集暨泰山紀事諸書層見疊出而州志尤爲史氏之要典按是刻成於故明萬歷三十年郡守任宏烈歷天啟崇禎及

大清受命

世祖鼎造

皇上龍飛屈指七十餘歲嗚呼運會日新事物盡然別
茲嶽方萬物資生物理之盛衰人文之興替寧無
月異歲不同者故夫治方冊勒政績範習俗示典
刑酌義例寓褒貶洵孔亟焉會逢刺史鄒公慈和
德化簡練才猷其功名在竹帛不具道於委蛇退
食之際殫心探討作此志垂爲名山大業按原本
六門爲綱綱各有目取七十年來之逸事旁搜遐
采參互考訂凡有可據者條分類析各附其綱目
之後隨篇增輯卽舊而爲新開來以嗣往要皆據
泰安縣志

卷首

舊序

八

事直書以紀述爲勸戒有庠生朱衣點者故清真
教也振拔流俗沉酣經史亦樂從而參訂之茲焉
告成庶億萬世仰全史之盛則公之立言直與德
功竝不朽云通奉大夫總督倉場戶部右侍郎郡
人王度識

後序

岱舊有志所以紀山川土地人物風俗忠孝節義
之蹟彰風教而維人心者也明神宗時太_皇任公
實始纂修迄今七十餘年無復起而繼之者夫七

十餘年中兵荒鼎革凡志士仁人奇行苦節而名
淹沒者可勝道哉點忝列學宮三十餘年凡所知
孝子節婦輒首諸生上之郡郡太守上之撫憲具
題旌表焉庚戌歲太守鄒公來守是邦撫字之餘卽
博求岱之山川土地人物風俗忠孝節義之蹟而
攷其實時少司農王公致政家居闔門讀書多識
前言往行侍御趙公亦舊有所纂藏因相與議曰
聖土御極天下承平岱志之重修不可緩也於是採故
實定筆削歷期年而岱志成點焚香披讀不惟山

川人物犁然可考而奇行苦節足以維人心彰風
教者直與日月爭光矣鄒公之繼任公而修斯志
也其爲世道人心計者豈其微哉點於是拜手紀
略以告後之讀斯志者非敢僭而筆於簡末也郡
庠首貢生朱衣點跋

纂修姓氏

續編泰安州知州鄒文郁 參閱學正姜玉英

彙輯同知張肇昌 校梓吏目陳五典 同校庠

生朱衣點

秦安縣志序

乾隆二十五年

已卯夏五郡伯顏公銳意肇修府志檄屬徵掌故
訪遺文用備采擇誠曠舉哉余在任甫載餘謹於
簿書鞅掌中繕錄舊編復增以近代事實彙帙以
進迺邑人士殷然請曰秦安之有志也緣始莫考
其可記者一修於明萬曆三十年州守任公再修
於國朝康熙九年鄒公迄今幾九十年闕焉未
舉公以新安世德經術湛深今者其有待於公乎
余遜謝不敢既念秦自政府而後爲附郭首邑秦

秦安縣志

卷首

舊序

十

山維時域內

翠華星斗垂恩膏

宸章輝耀垂千古尤史臣所當大書特書者也舊志

歷年既久帝虎魯魚訛舛不一雖形勝如故其間

建置沿革皆有月異而歲不同者不及今輯之後

有作者其將尋墜緒之茫茫乎爰先割俸若干復

鼓諸紳士依裏於後集邑中二三好古君子相與

商榷校讎合通志岱史蒐玉輯瑞等書博觀約取

菁萃無遺其數十年來請大典禮大制作垂諸琬

瑛頽爲章程者必詳稽而備錄之卽有所見異辭
所聞異辭亦必窮源竟委折衷而歸於一是爲綱
凡十有六目八十有五都爲一函經始於己卯冬
越朞年而告竣授梓雖卷帙倍昔而文不詭隨義
不誣矯庶幾哉非貌言耳食致貽買菜傭之誚乎
夫古者太史採風凡土地之治蕪風俗之淳澆人
物之隆替悉登於朝以待黜陟示激勸志之所關
綦重也矧岱宗爲羣嶽長地當南北衝要星輶往
來者駢駢繹繹高山仰止之下莫不欲詳考圖經

泰安縣志

卷首

舊序

十一

而知古今異同得失得是編而閱之不啻如指上
螺文燦然在目俯仰盱衡於以徵信異日爲國史
之據依者是泰乘更非他邑可比豈徒鋪張盛美
誇示賅博已哉顧余猥以麻材備員茲土獲承諸
憲司提命夙興夜寐竭蹶皇期勉副

聖天子慎簡有司之至意亦藉是可稍鑒厥衷矣因不
辭媿陋而爲之序知泰安縣事新安程志隆撰

後序

余夙負山水之癖白髻齡束髮追隨先君子杖履

入都燕雲薊雪輒喜登眺迨後饑驅旅食由趙而
豫而秦道里所經如嵩之太少室華之玉女蓮花
雖車箱騾背行邁不遑而二嶽之面目固已粗識
一斑矣既而溯江淮涉河濟數往來於齊梁吳楚
間凡名區奧境崇峻險幽者不憚與猿鶴躋攀蠟
屐始徧然生平仰止所極不忘懷者厥惟泰山卒
未獲假道一登不誠爲憾事乎邇年以來倦遊息
影結廬化安丙舍蓋化安當四明北山爲二百八
十峯部落邱壑頗勝將終吾身於蒼松白石乃除

目遙傳適得泰安丞缺余曰此天假緣也遂欣然
治裝甘逐役於風塵馬足而不辭折腰者以有泰
山在也既抵署卽裹糧賈勇而上縱目徘徊頓覺
置身霄漢歎窮日而返於茲山靈秘猶未得十之
一二也會邑長勅脩志乘已詮次成帙爰取而卒
讀一過見古今典章制作人物藝文以及徂徠梁
父諸勝汶泮環滌諸流凡有關於泰山者靡不網
羅無遺瞭若指掌是余卽再登三登而未易盡者
悉於是編遇之嘻幸矣昔以神遊今且目遊而更

備得之於臥遊錦囊收拾不既多歟他日還歸故
廬嘯歌林麓舉以告語山靈庶或免德璋移檄之
誚乎因援筆而跋於後舜江黃千人謬哉跋

纂修姓氏

裁定泰安縣知縣程志隆

參閱縣丞黃千人

監理訓導吳俊典史任傑

彙纂丁卯科舉人邑

人李成鵬

分纂癸酉科舉人江永譽辛酉科拔

貢候選教諭柴希孟廩生蕭儒林邑人聶鉞

校

刊辛酉科拔貢候選州判江永年邑人姬衍莊